

ք. Երևան

03 հոկտեմբերի 2022թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Հովհաննես Մովսիսյանի, ով գործում է ընկերության կանոնադրության հիման վրա, մի կողմից, և

«Ֆակտորի Փրոդաքշն» սահմանափակ պատասխանատվությամբ ընկերությունը (այսուհետ՝ Կատարող), ի դեմս տնօրեն Ռուդիկ Տեր-Գալստյանի, ով գործում է ընկերության կանոնադրության հիման վրա, մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

ստորագրեցին սույն պայմանագիրը (այսուհետ՝ Պայմանագիր) հետևյալի մասին.

## 1. ՊԱՅՄԱՆԱԳՐԻ ԱՌԱՐԿԱՆ ԵՎ ԿԱՏԱՐՄԱՆ ԺԱՄԿԵՏԸ

- 1.1. Սույն Պայմանագրով Կատարողը պարտավորվում է Պատվիրատուին մատուցել «Մանկական Եվրատեսիլ 2022» երգի միջազգային մրցույթի (այսուհետ՝ Մրցույթ) Մարզահամերգային համալիրի տարածքի հիմնական բեմի և մրցույթին մասնակցող պատվիրակությունների անդամների համար հատուկ նախատեսված սրահի (այսուհետ՝ Բաբլ սրահ) բրենդավորման՝ դիզայնի և դրա հիման վրա համապատասխան էսքիզների մշակման, ինչպես նաև դրանց արդյունքները Պատվիրատուին փոխանցելու ծառայությունները (այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց համար սույն Պայմանագրով սահմանված չափով և ժամկետում:
- 1.2. Կողմերն արձանագրում են, որ բրենդավորման գաղափարը, դրա տեսքը և էսքիզները հաստատվում են ըստ Պայմանագրի Հավելված 1-ի: Ընդ որում, Պատվիրատուի ցուցումով, կամ կողմերի փոխադարձ Համաձայնությամբ հնարավոր են Հավելված 1-ով նախատեսված էսքիզներում որոշակի փոփոխություններ՝ որոնք չեն կարող հանգեցնել Պայմանագրով սահմանված արժեքի փոփոխության: Բրենդավորման վերջնական էսքիզը Կատարողը ներկայացնում է հանձնման-ընդունման ակտի հետ միաժամանակ:
- 1.3. Ծառայությունները մատուցվում են Պայմանագրի կնքման օրվանից մինչև 2022 թվականի դեկտեմբերի 11-ը ներառյալ:
- 1.4. Կողմերն արձանագրում են, որ սույն պայմանագրով նախատեսված Ծառայությունների մատուցումը չի հանգեցնում Կատարողին՝ Մրցույթի նկատմամբ իրավունքների փոխանցման, և որ Կատարողը իրավունք չունի օգտագործել Պատվիրատուի պատվերի հիման վրա ստեղծված բրենդավորումը այլ՝ Պայմանագրով չնախատեսված նպատակներով, ինչպես նաև տրամադրել այլ անձանց: Բրենդավորման նկատմամբ բոլոր բացառիկ գույքային իրավունքները փոխանցվում են Պատվիրատուին հանձնման-ընդունման ակտի երկկողմանի ստորագրման պահից:
- 1.5. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:

## 2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

### 2.1. Պարվիրատուն իրավունք ունի՝

- 2.1.1. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետներում,
- 2.1.2. Ցանկացած ժամանակ ստուգել Կատարողի կողմից մատուցվող Ծառայությունների ընթացքը և որակը՝ առանց միջամտելու Կատարողի գործունեությանը՝ պահանջել Կատարողից տրամադրել Ծառայությունների մատուցման ընթացքի դրանց արդյունքի վերաբերյալ Պատվիրատուին հետաքրքրող տեղեկատվությունը,

- 2.1.3. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,
- 2.1.4. Պահանջել Կատարողից ամբողջությամբ հատուցել Ծառայությունների մատուցման կապակցությամբ Պատվիրատուին պատճառված վնասները:

**2.2. Պարզիրապուն պարզավոր է՝**

- 2.2.1. Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, ըստ Կատարողի կողմից նախապես տրամադրված տեղեկատվության ապահովել Կատարողի ներկայացուցիչներին Ծառայությունների մատուցման նպատակով Ծառայությունների մատուցման տարածք մուտք գործելու հնարավորություն, տրամադրել ողջամտության սահմաններում Ծառայությունների մատուցման համար անհրաժեշտ տեղեկատվություն և այլն,
- 2.2.2. Ընդունել սույն Պայմանագրին համապատասխան մատուցված Ծառայությունները, իսկ թերություններ հայտնաբերելու դեպքերում՝ այդ մասին սույն Պայմանագրով սահմանված կարգով և ժամկետում գրավոր հայտնել Կատարողին,
- 2.2.3. Վճարել Կատարողին մատուցված Ծառայությունների համար սույն Պայմանագրով սահմանված չափով, կարգով և ժամկետում:

**2.3. Կարարողն իրավունք ունի՝**

- 2.3.1. Սույն Պայմանագրով սահմանված Ծառայությունների մատուցման նպատակով Պատվիրատուից պահանջել ապահովել սույն Պայմանագրի 2.2.1. կետով սահմանված պայմանները,
- 2.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
- 2.3.3. Պատվիրատուից պահանջել վճարել պատշաճ մատուցված Ծառայությունների համար սույն Պայմանագրով սահմանված չափով և ժամկետում:

**2.4. Կարարողը պարզավոր է՝**

- 2.4.1. Ծառայությունները մատուցել ամբողջությամբ և պատշաճ որակով, Պայմանագրով նախատեսված ժամկետներում, պահպանելով ՀՀ օրենսդրությամբ սահմանված կիրառելի նորմերի, կանոնների և ստանդարտների պահանջները,
- 2.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ,
- 2.4.3. «Մանկական Եվրատեսիլ 2022» երգի միջազգային մրցույթի անցկացման կապակցությամբ լրացուցիչ պարտավորություններ սահմանելու դեպքում առանց լրացուցիչ համաձայնություն տրամադրելու այդ բոլոր պարտավորությունները ստանձնել այն նույն ծավալով, որ ծավալով կսահմանվեն Պատվիրատուի համար, պայմանով, որ դրանք լինեն ողջամիտ, չառաջացնեն լրացուցիչ ֆինանսական ծախսեր Կատարողի համար և վերաբերեն սույն Պայմանագրով Կատարողի ստանձնած պարտավորություններին: Լրացուցիչ պարտավորությունների մասին Պատվիրատուն պարտավորվում է Կատարողին ծանուցել անհապաղ, որոնք ուժի մեջ են մտնում Կատարողի համար դրանց մասին ծանուցվելու պահից, եթե այլ բան չի բխում տվյալ ծանուցումներից:
- 2.4.4. Ծառայությունների մատուցման ողջ ընթացքում պահպանել և հետևել, Ծառայությունների մատուցման տարածքում գործող, ինչպես նաև Պատվիրատուի և «Եվրոպայի հեռարձակողների միության» կողմից սահմանված անվտանգության կանոններին,
- 2.4.5. Ինչպես սոցիալական մեդիա հարթակներում իր պաշտոնական էջերի միջոցով, այնպես էլ որևէ այլ հարթակներում առանց Պատվիրատուի նախնական գրավոր համաձայնության չտարածել որևէ տեղեկատվություն սույն Պայմանագրով մատուցվող Ծառայությունների վերաբերյալ, ներառյալ՝ բրենդավորման, դրա տեսքի (էքսիզների), մտահաղացման վերաբերյալ կամ որևէ այլ հանգամանքի վերաբերյալ, ինչպես նաև երաշխավորել Ծառայությունների մատուցման գործընթացում աշխատանքային, ծառայությունների մատուցման կամ որևէ այլ պայմանագրի հիման վրա ներգրավված անձանց կողմից այդպիսի տեղեկատվության գաղտնիության պահպանումը,
- 2.4.6. Աջակցել Պատվիրատուին Ծառայությունների մատուցման ընթացքում՝ վերջինիս մոտ առաջացած հարցերի շրջանակներում տրամադրել խորհրդատվություն Պատվիրատուի համապատասխան

պահանջը ստանալուց հետո 1 (մեկ) աշխատանքային ժամվա ընթացքում Պատվիրատուին տրամադրելով մատուցված Ծառայությունների, դրանց արդյունքի վերաբերյալ Պատվիրատուին հետաքրքրող տեղեկատվությունը,

2.4.7. Հետևել սույն Պայմանագրի պայմանների սահմաններում Պատվիրատուի տված վերաբերելի ողջամիտ ցուցումներին:

### **3. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ**

- 3.1. Սույն Պայմանագրով նախատեսված Ծառայությունների ընդհանուր արժեքը կազմում է 6 000 000 (վեց միլիոն) ՀՀ դրամ (ներառյալ բոլոր կիրառելի հարկերը, ինչպես նաև Կատարողի կողմից իրականացվող ծախսերը) որից.
  - 3.1.1. Մրցույթի հիմնական բեմի բրենդավորման արժեքը կազմում է 3 600 000 (երեք միլիոն վեց հարյուր հազար) ՀՀ դրամ,
  - 3.1.2. Իսկ պատվիրակությունների համար նախատեսված Բաբլ սրահի բրենդավորման արժեքը՝ 2 400 000 (երկու միլիոն չորս հարյուր հազար) ՀՀ դրամ:
- 3.2. Պատվիրատուն մատուցված Ծառայությունների դիմաց վճարումն իրականացնում է այդ նպատակով ֆինանսական միջոցների առկայության («Գնումների մասին» ՀՀ օրենք, 15-րդ հոդված, 6-րդ ենթակետ) և դրա վերաբերյալ Կողմերի միջև համապատասխան համաձայնագիրը կնքելուց հետո՝ Կատարողի կողմից ներկայացված հանձնման-ընդունման ակտի և հաշիվ-վավերագրի երկկողմանի հաստատվելուց հետո 5 (հինգ) աշխատանքային օրվա ընթացքում:
- 3.3. Սույն Պայմանագրով վճարումն իրականացվում է անկանխիկ եղանակով՝ դրամական միջոցները Կատարողի բանկային հաշվեհամարին փոխանցելու միջոցով:
- 3.4. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը: Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

### **4. ԾԱՌԱՅՈՒԹՅՈՒՆՆԵՐԻ ՀԱՆՁՆՈՒՄ-ԸՆԴՈՒՆՈՒՄԸ**

- 4.1. Սույն Պայմանագրի 3.2. կետով նախատեսված ֆինանսական միջոցները նախատեսվելուց հետո Կողմերի միջև համապատասխան համաձայնագրի երկկողմանի ստորագրվելուց հետո Կատարողը 10 (տաս) աշխատանքային օրվա ընթացքում Պատվիրատուին է ներկայացնում իր կողմից հաստատված հանձնման-ընդունման ակտը և հաշիվ-վավերագիրը:
- 4.2. Հանձնման-ընդունման ակտը ներկայացնելու օրվանից 5 (հինգ) աշխատանքային օրվա ընթացքում Պատվիրատուն Կատարողի աջակցությամբ ստուգում է մատուցված Ծառայությունների որակը և առարկությունների բացակայության դեպքում հաստատում հանձնման-ընդունման ակտը և հաշիվ-վավերագիրը, կամ առարկությունների վերաբերյալ հայտնում Կատարողին:
- 4.3. Այն դեպքում, եթե Պատվիրատուն սույն Պայմանագրի 4.2. կետում նշված ժամկետում չի հաստատում հանձնման-ընդունման ակտը և Կատարողին չի ներկայացնում դրա հիմնավորումը, ապա Պատվիրատուն պարտավորվում է սույն Պայմանագրի 4.2. կետում սահմանված ժամկետին հաջորդող առաջին իսկ աշխատանքային օրը հաստատելու Կատարողի կողմից ներկայացված հանձնման-ընդունման ակտը և հաշիվ-վավերագիրը ու Պայմանագրի 3.2. կետով սահմանված ժամկետում վճարելու դրանով նախատեսված գումարը:
- 4.4. Եթե Պատվիրատուն Ծառայություններն ընդունում է առանց սույն Պայմանագրի 4.2. կետով սահմանված ժամկետում դրանց արդյունքների ստուգման, ապա զրկվում է Ծառայությունների այն թերությունները վկայակոչելու իրավունքից, որոնք կարող էին հայտնաբերվել մատուցված Ծառայությունների արդյունքը սովորական եղանակով ընդունելու ժամանակ (բացահայտ թերություններ):

### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

- 5.1. Կողմերը պատասխանատվություն են կրում սույն Պայմանագրով ստանձնած պարտավորությունների չկատարման կամ ոչ պատշաճ կատարման համար:

- 5.2. Կատարողը պատասխանատվություն է Ծառայությունների ոչ պատշաճ մատուցման համար Պայմանագրի ընդհանուր արժեքի 10 (տաս) տոկոսի չափով:
- 5.3. Մատուցված Ծառայությունների դիմաց վճարելու Պայմանագրով սահմանված ժամկետը խախտելու դեպքում Կատարողն իրավունք ունի Պատվիրատուից գանձել տույժ՝ կետանցի յուրաքանչյուր օրվա համար վճարման ենթակա գումարի 0,1 (զրո ամբողջ մեկ տասնորդական) տոկոսի չափով, բայց ոչ ավել, քան վճարման ենթակա գումարի 5 (հինգ) տոկոսը:
- 5.4. Սույն Պայմանագրով սահմանված պատասխանատվության միջոցների կիրառումը Կողմերին չի ազատում սույն Պայմանագրով ստանձնած պարտավորությունների ամբողջական կատարումից, եթե այլ բան նախատեսված չէ ՀՀ օրենսդրությամբ:
- 5.5. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

## **6. ՖՈՐՍ-ՄԱՄՈՐ**

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը ստորագրելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:
- 6.2. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

## **7. ԵԶՐԱՓՈՎԿԻՉ ԴՐՈՒՅԹՆԵՐ**

- 7.1. Սույն Պայմանագիրն ուժի մեջ է մտնում երկկողմանի ստորագրման պահից և գործում է մինչև Կողմերի համար սույն Պայմանագրով նախատեսված պարտավորությունների ամբողջական և պատշաճ կատարումը:
- 7.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 7.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 7.4. Կողմի՝ սույն Պայմանագրով սահմանված իրավունքին համապատասխանում է մյուս Կողմի պարտավորությունը ապահովել տվյալ իրավունքի իրացումը:
- 7.5. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կապահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 7.6. Պայմանագրի Հավելվածը հանդիսանում է դրա անբաժանելի մասը:
- 7.7. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի լիազոր ներկայացուցիչների կողմից:
- 7.8. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ: Պայմանագրի վաղաժամկետ լուծման հետևանքները կարգավորվում են Պայմանագրով, ՀՀ օրենսդրությամբ՝ կախված այդպիսի լուծման շարժառիթ հանդիսացած հանգամանքներից:
- 7.9. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 7.10. Սույն Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի

վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով, կամ Կողմերի համաձայնությամբ նախատեսված այլ եղանակներով:

- 7.11. Սույն Պայմանագրի կատարման ընթացքում Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 7.12. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 7.13. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

#### ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

##### Պատվիրատու

«Հայաստանի հանրային  
հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26  
ՀՎՀՀ՝ 01540062  
«Ինտերբանկ» ՓԲԸ  
Հ/Հ՝ 2050022082671001

##### Կատարող

«Ֆակտորի Փրոդաքշն» ՍՊԸ

Հասցե՝ ՀՀ, ք. Երևան, Լեոի 1  
ՀՎՀՀ՝ 00167818  
«Էվոկաբանկ» ՓԲԸ  
Հ/Հ՝ 1660004718200100

##### Հ. Մովսիսյան

Գործադիր տնօրեն


##### Ռ. Տեր-Գալստյան



Տնօրեն





Հավելված 1


03 հոկտեմբերի 2022թ.-ին ստորագրված  
թիվ ՀՀՀ-ՄԱԾՁԲ-22/85-Պ պայմանագրի


































Պատվիրատու  
 «Հայաստանի հանրային  
 հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26  
 ՀՎՀՀ՝ 01540062  
 «Ինտերբանկ» ՓԲԸ  
 Հ/Հ՝ 2050022082671001

Հ. Մովսիսյան  
 Գործադիր տնօրեն



Կատարող  
 «Ֆակտորի Փրոդաքշն» ՍՊԸ

Հասցե՝ ՀՀ, ք. Երևան, Լեռի 1  
 ՀՎՀՀ՝ 00167818  
 «Էվոկարանկ» ՓԲԸ  
 Հ/Հ՝ 1660004718200100

